

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—二〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

補編第五六冊目次

昭代詩存十四卷(二)

〔清〕席居中輯
清康熙十八年刻本

一

國朝詩選十四卷

〔清〕彭廷梅輯
清乾隆十二年金陵書坊刻本

二七五

詩風初集十八卷(原缺卷三至卷四)(一)

〔清〕徐崧等輯
清康熙十二年刻本

六一九

昭代詩存十四卷(二)

〔清〕席居中輯

清康熙十八年刻本

北京圖書館藏

昭代詩存 卷之十目錄

姪 瑛子權氏

錦川席居中允叔甫選

瑛子權氏全較

男 瑋子授氏

紀映鍾 江南

程可則 廣東

駱復旦 浙江

陸叢桂 山東

朱克生 江南

梅庚 江南

倪之煌 山東

朱彞尊 浙江

吳鉅 江南

鍾喟 遼東

王曜升 江南

陳治 江南

王仲儒 江南

王熹儒 江南

錢謙益 江南

金鎮 再見

金敬敷 浙江

金敬致 浙江

吳懋謙 江南

丁煒 福建

黃朝美 江南

身代詩不 卷十

范承斌 遼東

范承烈 遼東

彭孫遜 浙江

盛符升 江南

丁峇 山東

汪文楨 再見

汪森 江南

黃若庸 福建

黃驚來 福建

程康莊 山西

曹廣端 直隸

宮鏐 江南

陳世章 江南

薛耳 江南

吳之騷 江南

周斯盛 浙江

李杰 遼東

王又旦 陝西

卞永式 遼東

袁佑 直隸

徐嘉炎 浙江

范承謨 再見

昭代詩存卷十

錦川席居中允叔甫選

紀映鍾 字伯紫 江南江寧人

古別離

天地多風雨人生多別離別離人易老風雨花成泥何
不花前月下朝朝夜夜美人歌舞金屈卮不如意嘗入
九開口笑知何時君不見南山石榭歌易悲銅雀臺下
耕殘碑紛紛錢刀夫何為

道傍廢屋行

疾藜穿屋風撼撼云是前人萬金宅水晶屏掩舞衫紅
至今惟見秋燐碧寒犬蹴沙野鳴嘯老婦抱鋤拾衰草

過客揚鞭如不聞崎嶇欲上長安道

十五六行壽玉式

憶昔與君十五六我裹繻袍君奇服相逢各不問苦愁
尚論淵玄睽雙目讀書只恐後古人著作等身恒不足
橫筆直掃千人廢上溯羲軒下周穆或忌或憐會莫知
快意在胸形槁木看山卽行數十里一醉三日嘗不起
有司督試逡巡來西抹東塗鷹冠喜自視一第如探囊
致君堯舜平平爾華陽道上携兩僕二十餘年驢尾秃
明遠樓前科既行心肝嘔盡劉蕢哭文章既與世變更
天地都如浪翻覆而我安能與之隨汨沒憂從中來不
可掬君茹茶我齧蓼君搥鼓我擊筑斗酒難澆心曲愁

高歌即賦時兒戮當時豈意賤如此道倘偃蹇避朱紫
驕人自昔笑勞人周士安能學秦士只合深山大澤披
髮掉臂閒游行萬壑松聲滌心耳綠萼梅千葉杏銀瓶
細挽雙鬟艷中秘書萬言策南朝天子動顏色君所有
我所無君較苑我較枯我不問天天天胡爲乎嵩陽玉女
峰一片月萬古居肉芝紅類小兒掌石英紺比干芙蓉
食之天地壽與俱君若能來莫趁起噫嘻君若能來莫
趁起

偶興

賣畚洛陽市不逢嵩山客蒼蒼山下雲日暮松楸碧我
憐王景畧耳爲荷堅畫英雄悲不遇既遇良可惜

召弋詩序 卷十

古詩爲韓固菴歸田作

蓬生野田中飄泊隨風塵何如隴頭樹霜雪留孤根達
人信委蛇中抱耿自敦朝登司馬堂夕守窮巷門大運
有衰謝志士心長存驅車臨清川割炙娛丘樊爲樂須
及時白日淪西軒

壬寅元旦訪吳山大師失路行榛莽中從別山大

呼亭午始達

兩峰高出雲近看祇如一勉力陟層巔茅茨過人跡遙
望別峰頭怪石何崒嶭柴門竹脩脩古殿松栗深下臨
萬丈溪安能飛度疾大呼林中僧良久聞叱叱披榛遠
迤迤磴觸任荆栗鈎衣石角利割面草如銍老衲下層

披握手相慰恤香蓮散元旦梵唄歌佛日不困行者勞
安知居者逸掃石深林中焚香橫梵帙

讀河邨集弔戴敬夫先生

明代有志士崎嶇頓奇節遭過亂離時南北烽火徹寓
目成慨噫憤觸心頭血哀傷肆微吟欲吐意恒結勞勞
避地居十載靡寧輒仰空一長號天昏地爲裂工豈緣
愁苦情文並峻烈四十膺一命事去不可撥編書付二
孝浩然完高潔唐宋兩前賢應讓後來傑本孝後孝先生二子

王氏五烈詩兼簡季子伊皇有序

伊皇王子以其嫂及姊五烈事語予海內名賢
憑弔累贖予微戴河邨墓表賦詩哀之若宋建

召弋詩序 卷十

炎徐閩中女明正德楊驥妻陳皆前烈死尤慘
表中所引也伊皇欲專祀未果因慨及之

王子耿介士著書恒抱膝昔爲河邨友不肯文勝質相
訪霜雪長相對情無溢家以五烈著合悽言悒悒崇禎
乙亥歲西冠颺馳疾城守二日潰刀斧及我室勇哉婦
女五一往志果必日尹杜魯戴戴婦未百日其姊劉生
妻避賊就王匿不辱奉翁誠凜凜如嚴律事急持母姑
纒斷急靡術舒頸爭齒刃快利時不失或呼叔也助或
伏弟之鑽彼我雖紛紛死情則一七日前如生衣結
儼有似弱女飲凍血冠顛反走逸哀哉巾幗姿剛毅嬌
無匹建炎與正德徐陳共峭崿事經廿九年聞風我猶

粟白頭話嗜昔常淚氣交室墓表歸然存專祀木皇畢
君貧我則衰風聲蕩塵沓波流益難挽大節誰能恤天
地苟不磨五烈星日述

烈火引爲梁公狄內子殉李賊之難

稷榆射天赤日淨商丘令妻笑男子端坐高樓一炬焚
三十餘人同日灰不信人間有中帽最奇賸亦田橫客
椒蘭郁郁斷礎間紫玉飛烟血穿碧至今俎豆如古賢
白衣潛月立扁鵲湘妃竹瘦冬青老夜夜秋風哭杜鵑
當時令亦殉城闕昇出荒都存一髮丈夫不死固有神
長嘆多慚地下人

水厓老人歌

昭代詩存 卷十

甲

龍岷山中水厓翁廿年不復遊江東千巖萬巖結茅屋
課兒灌園無懷風龍麟之松逼山閣紫帙縹囊煇林壑
皮卉常披謙秀冠風塵懶躡虞鄉屬古稀已過復三秋
雪色髭須紺角眸扳蘿歷蹜輕鳥跡雨塵篝火書蠅頭
少年軼氣橫四海老至雄心固長在登臨踴覽多悲吟
斗酒難澆胸壘澄清和之月鳴鶴鷓鴣翁忽訪我蓬蓰行
文章風誼千年厚懶祖巖前夏日長茗柯自添朝餐後
而翁僊僊偃佺流我翁花甲未一周對翁不覺涕橫落
名山魏闕同浮漚僉山草堂盛脩醑鴈行金竿花前舉
要荒更有老惠連生還倡予而和女升沈聚散等閒過

真州漁父歌

只有英雄淚不磨桃葉輕舟白門柳拍手更作滄浪歌
真江漁父艇十尺日日維舟汀艸碧看盡江南一片山
往來只在菰蘆間短布爲衾囊作枕卧對桃花萬株錦
笙歌響靜羅綺閒明月當頭舉盃飲漁父十年江上漁
江上漁人識面疎有時得魚還自放心同流水歸空虛
貧賤行送客

君不見李廣自斬霸陵尉范睢馬食須大夫人人生貧賤
豈終極一朝得勢風雲趨小兒項領終何如春瓜秋艾
同消徂高松峩峩被廣衢嚴冬霜雪顏色殊送子過河
復過都黃頭矮驢跨短襦他日長吏負弩爲前驅

昭代詩存 卷十

五

七月六日方爾止僉山草堂對酒歌

天上雙星未渡河秦淮流水秋生波僉山草堂最殊豁
短牆風到吹烟蘿我從江南徙江北相思不見中情多
今來喜得話疇昔比隣客亦聞相過謂鄭梅龕竹聲琅琅響
寒玉雲陰漠漠垂庭柯六街禱雨禁屠割君家生菜盈
坡陀旋烹佐酒醪乾腊懷抱傾吐去沈痾人生動卽干
里隔江山况復連兵戈相逢縱飲意良足清涼不異栖
巖阿牀頭鳴夷已交臥睥睨顏色何人醜知君妻賢能
力作織縑織素無停梭更將灌園課童稚四時賓祭嘉
蔬羅水厚籬邊靡閒歇鍼樓溪畔尤嗟哦我吟枯魚過
河泣君賦考槃碩人邁與君同心異苦樂福命信若天

公何芙蓉花開塘水淺醉來起舞還高歌城頭飛雨時
一至安得大地呼滂沱

孫氏五烈井歌 有序

崇禎八年流賊破和州自守博士下死者十三

萬人婦人七之孫于朝先生妻馬氏先掘土穴

井傍藏二婦二女城破皆自刎不斷馬驥之從

井死而身殿罵賊賊怒焚之予與孫仲子敏克

遊敏克之妻一烈也示我金侍御疏及杜德馨

傳括其事作歌

猥偷啖舌江流血孫家有井成五烈歷陽烈女亦何多

國尚詩書厲名節孤城湯沐二百七十年十三萬人肝

以木詩序 卷十

六

腦上以報皇天何意婦人勝男子奮義屬賊齊爭先孫

母清閨盛才謂穴藏二婦與二女事急齒刀喉未絕大

言此井汝死所留身殿後數賊惡賊怒焚之甘一炬赤

血飛天成紫雲明膏入地地且墳至今談者猶色變當

時轉覺無紛紜真定亦有五烈井孝廉張君屬我文朔

南巾幘且對時衣冠何處棋客置春秋沮豆陸鄉土亦

復穹禪動天賜三十年來我始游物換星移競傳識時

從孫子城北行城下有池干頃清孫子告我城破日池

中婦女高岸平溢水在地魚在陸白日慘黯枯條鳴此

中有烈迥不異何人更得知姓名吁嗟乎既烈何殊幽

與明

不見鹿柴翁五載春日訪之山居年八十矣相見
無他言但曰世事如此感贈一詩

鹿柴一貧叟帶索方山冠開口嘆世事閉門師懶殘句
奇人不道命薄性能安合附古高士梅花咽酒酸

對雨

兩月大河隈歸心日幾迴簾櫳初睡足江雨帶秋來馬
渡孤城夕風生遠遶哀客中生事簡石火照空鼻

將往晉陽聖秋貽詩贈別次荅

浮踪真莫定何處問相思東觀守聲早西山我去宜
河空百戰王霸有餘悲上策連天近鴻書寄不遲

雁門關

太原城北路直與雁門連秦月秋鳴鏑并人夜控弦地
圖經百戰山勢鎖三邊霜筆斜陽外歸風一泫然

兩止架化為見過山居二首

紫葵爛朝日却訝客來遲水沒前溪石鷺翻宿雨枝采
香甘濕翠岸噴出芽芽始覺清和好幕流滌酒厄

君携邗上月忽踏白門烟七日雨方止一籬花正妍秋
茶烹石乳朝釐閣說年聞說桃根渡笙歌壓酒缸

絕頂

絕頂藏僧舍來尋路不明雙峯看月出一杖撥雲行寺
古花為曆山深鳥報更任教烟火斷量腹食黃精

湖邊

絕頂藏僧舍來尋路不明雙峯看月出一杖撥雲行寺
古花為曆山深鳥報更任教烟火斷量腹食黃精

澹月湖邊路同君幾度行野雲孤塔暗寒水斷橋明寂
寂經殘歲悠悠任旅情竹塢松火蒸歸煮石泉清

三月十二日喜雨

好雨通宵下天猶憫子遺誰能先帝力端不後農時老
樹增新碧殘花墜晚姿濁醪歡自舉或可慰斯饑

蒼峽雨泊懷雲客及同遊

江雲朝不散山雨入溪奔響合孤舟夜寒生十戶村把
書鄉思亂就枕客情昏不是巴陵嶮新詩可當猿
荒江連夜雨良友對愁對百瀑增新漲雙崖一倍深情
依鄰舫密語到曙鐘沈迴首高雲閣何人着屐尋

庚子除夕對雪

昭代詩不 卷十

八

密雪灑山椒荒村晝寂寥城隅初積素松半已封條甌
粟支餘日盤辛薦缺宵老夫新伎佛貯水獻明朝

子盤去後大雨解暑詩以憶之

雨來客去後各歸一池秋脫粟加餐飯殘書可較警柳
風低拂桃山氣快登樓君意多蕭瑟高吟亦解愁

三山秋典次李空同先生河上韻

日暮山烟合秋高雁路微孤村臨水出野渡過人稀大
地歌黃鳥浮雲敗白衣澗門吟望遠片雨掠潮飛

秋聽傲韋瀟州

病起北牕下池塘轉夕陰山雲淡歸鳥城闕動清砧
吐秋容變波停碧藻深主人有高適抱膝日同吟

自有山林與何妨近市居村童收芋子晚飯出園蔬塵
轍了無跡幽人時寄書篝燈猶不睡有客話皇初

召伯球懷古

古堞斷還續千年說謝公經綸民事裏烟月射湖中米
市家臨水漁舟逸任風至今專蓄洩漕輓濟無窮

廟壇月

皎皎新秋月高飛老樹顛廟壇芟寸草樓閣掃寒烟隣
時松聲靜家山雀夢懸大河南北眼自送白雲邊

九月初四見新月

又見深秋月蕭然水一方日歸遲沮洳獨立意蒼茫寒
入兼葭國霜披蘿碎墻去年南海畔猶憶醉清光

昭代詩不 卷十

二

除夕

四海無家客殘年欲盡時漁竿真老矣獵較且隨之困
辱人間世飄零鳥鵲枝閉門燒木火濁酒懶相持

題嵇留山畫冊

留山在何處處畫圖看天籟無聲入林烟作意寒斗
唯松架屋勺水竹投竿料得嵇中散秋桐懶自彈

卧佛寺

古佛何年卧松陰查掩關津梁疲此老却火避空山月
印安羅靜雲垂石屋閒饜頭思息影終日聽潺湲

張幼仁園居

結構幽居似輞川鷺峰鹿苑一溪連天涯白首歸張翰

海內丹山老鄭虔高閣三層堆莫雪荒哇十畝刈寒烟
城陰宅近堪來往古路鐘聲不記年

贈胡致果

受爾孤懷獨道上多緣少讀近人書松間月靜嘗叉手
菊圃秋高每荷鋤得意真能忘寢食有心端不忽樵漁
槁梧漫據塵都盡三十閒情老不如

贈何若上人

自築茅菴板井邊烟霜辛苦衲頭穿堆床書卷如寒石
挂壁孤琴似冷泉糙米晝炊鐺折腳蒲團香定佛齊肩
開門一片閒田地莫種芭蕉礙月圓

送孫無言歸黃山

呂代詩不 卷十

豈有黃山不勒歸歟江五月雨霏霏輕舟送盡頭顛雪
深壑仍藏虞夏菽嶺上荒雲春水碓石邊秋蕪一作柴扉
鹿門妻子能動作躡屩還家願不違

過黃皆令女史湖上讀書樓

樓倚湖霜漁蕙風湘簾不卷夕陽中傷心南渡悲流水
迴首西陵散落鴻盡闕名山雙眼白載修殘史一燈紅
秋雲黃葉門深擁何必吳趨問伯通

方菴

落葉西風滿戒壇方菴深處竹珊珊同依古寺秋雲冷
自寫新詩午磬殘半鉢美香隨意適一梵山色逐年看
近來好句當門是明月清歌光度關

次履寓齋小集綺季携被就宿吳子班陳其年繼

至

日日秋陰雨細飛夕葵開落傷柴扉幽人襪被移書榻
古寺鐘魚度翠微飄泊酒杯逢李燮疎狂詩酒見玄暉
板橋新水添三尺衰柳依依送客歸

睢陽湯烈母馬賊詩

乾坤流血獸天狼廣武仍爲百戰場書卷何人留種子
香奩有士作金湯年來正氣多歸姬曾讀春秋自識王
國史欲凶形史在中原千載兩睢陽

送陳康侯歸虎林次固菴韻

春來各抱臨岐意此日匆匆聚散成柳折盧溝三子去
呂代詩不 卷十

花深潭水兩人情悲歌莫問荒臺筑雅奏還吹廣坐笙
淪落吾徒君最少吳山霜月比孤清

方正學先生祠重建次西茂才韻

灑氣還空夜月來子規不斷樹頭哀天公十族留孤胤
事定千秋重一坏歌舞巫咸應變徵顧瞻宮闕再成灰
山川匪昔粉粉翰在野客悽悽莫酒杯重建洪農部
公里人也

陳孝兼自闕道訪京口山寺喜作

聞君樵牧萬峰幽握手何期在潤州被衲穿雲來嶺外
黃梅歇雨坐山樓懶留鐵甕軍城酒欲采江籬漢水舟
垂老逢君頭白盡不堪重話十年愁

歷陽書懷

城闕啼鴉返照殘蕭條極目水烟寬雲埋鷄籠香泉潔
月暗烏江古廟寒牛馬颺馳誰挽轍乾坤人老幾還丹
白沙紅蓼孤舟在只向滄洲買釣竿

史遠公以黃山遊紀相示

君從湯口尋山去直入千峯與萬峯纔有路時三磧雪
絕無人處一聲鐘雲絲忽漫藏丹灶瀑布長懸澗白松
披寫幽奇隨意出却疑在杖是蒼龍

允叔招集帆影樓得秋字

深堂萬卷足遐搜蘭蕙當窓事事幽江上歸帆齊落日
樓頭中酒臥清秋閒情自得彈碁勝廣座頻推作賦酬
嘗愧丹黃榮傲帚更將大白爲君浮

昭水詩存 卷十

欽性就幽蓬次吳不官韻

蓬藁吾生事栖栖類老禪路荒元彥宅名在義熙年山
色堆樵徑天光下秣田枯著離虎尾掘地瘞龍泉心遠
唐虞夢書分內外篇松高懸霽日竹靜約寒烟水鶴窺
魚立霜華近几然詩叵求在野酒濁信爲賢小草全生
意低牀得穩眠不知江上客吹過使風船

陳孝兼給事貧不能葬親日刺血寫孝經詩以頌

之

刺血書孝經字成血亦滅讀至無字時方知經是血

血從父母生不從父母死日寫千百言何曾血在紙

又佳亭

秋色滿西山鳥影落寒翠獨有倚樓人日夕澹無事
題僧壁

萬事多無老衲閒松懸日見鳥飛還隣僧只在烟鐘外
拄杖高懸懶過山

愚上人靜室

半谿積雪板橋閒一樹寒鴉屋數間相見夕陽無別話
要予同去看君山

題芋齋

書卷堆牀適好懷春風日聽烏啾啾水西巖壑從來勝
烟雨還分過芋齋

題画

昭水詩存 卷十

荒村十日雪飛蓬枯樹銷聲定晚風相對草堆燒楫楫
喜無人跡過橋東

送九峯和尚

古佛林中一偉男閒拈詩句靜潭潭松風水月無常住
不識乾坤是旅菴

風靜慈仁寺裏松何曾携手話從容相逢不道塵勞苦

只說幽栖在九峯

程可則 字月量廣東南海人

古風

羅浮紫煙客高卧鏡橋東日對碧流水時聽萬壑松雲
霞間日月炯炯羅心胸舉手謝時人汨汨泥途中行隨

大化盡飄若風飛蓬何如廣成子相將乘赤龍

舟晚

空翠明遠岑斜陽淡孤渚微波混漾間輕舟自容與欣
色從西來蒼然滿平楚仰視天際禽矯矯空中舉此時
山水心誰知在羈旅

題畫

鳴樹何蒼茫烟雲自舒卷略約度迴溪松關隱蓬嶽盈
盈山水間空翠杳難辨漁村數茅屋迢遙隔平阪豈少
忘機人於中事遊衍我欲往從之悠然芳草遠

蕭灘夜泊

方舟夜泊蕭灘宿疎雨霏霏響林木鷓鴣洲前葉正紅

招代詩序 卷十

百

梧桐秋盡陰猶綠煙水微茫滯去津隔舟頻聽越人吟
嶺雲江樹三千里驛路霜飛寒色侵

村歸懷高望公

紙牕竹榻連宵語天地悠悠吾與汝我操釣艇還山谿
君宿空堂獨誰侶寒林欲雪不雪天昏鴉已歸未歸樹
此時把子青琅玕讀罷低徊久延佇

七月十五夜雷彭古晉宿茗柯齋與竹濤對月分

賦

我有庭中槐皎月光輝交枝接葉亂清影穿簾入幕
何熈微是時閉戶羣動息好友相過情依依彈碁呼酒
縱談笑科頭箕踞渾忘機人生會合能幾時曜靈急節

烏亂飛今夕何夕休言歸與君相賞無相違君不見秋
色纔過十五日已覺白露侵人衣

送李武曾遊武夷

前年送君白門行門前楊柳青堪憶易水重來能幾時
春帆又向無諸國問君何為苦好游讀書萬卷輕王侯
雲夢八九吞不足還將笑傲凌滄洲乘興何論天近遠
武夷山遠崇安縣三十六峰峰盡奇九曲溪流白如練
當時公子號神仙藥竈丹房眼中見海水紛飛自昔時
山川氣象須臾變幔亭玉女俱寂寞需君詠眺開生面
吁嗟乎男兒生不營名與驚利碧水丹山隨所至會須
一覽窮八荒東極扶桑西濛汜安能跼蹐若驂駒老却

招代詩序 卷十

三

安陵驛

窗間蠹魚字灌園有弟供白頭布襪青鞋是君事軟紅
十丈東華塵似我真真我匏瓜人安能隨君玉清洞同看
桃花萬樹春

舟晚

歸路知何極斜陽且繫船落霞明古驛秋水滿前川茅
店碓初動漁舟火漸懸無人問羈旅愁絕向江天

江上懷陳美公

迴舟轉清澳落日照前岑水濶一帆遠雲歸衆壑陰蟲
聲喧別浦人語靜空林寂寞河干客悠悠行路心
斜日明歸棹空江憶故人昔年經雨雪此地共風塵失

聽吾誰語論交爾獨真中宵聞過雁萬里惜殘春

舟次同張玉叔作

媿我獨何事隨君亦遠行褰衣向閩水扶藥去秋城草木霜初落關河漲未清不因朋侶在何以慰宵征

送朱竹菴

虞山君去速章水我行遲執手不能別相看還共悲清秋寒渚路孤雁隔年期十月梅花使含情好寄誰

奉寄袁特丘先生

夫子南還後經年獨此心雁歸衡浦遠月落洞庭深字許何人問山應幾度尋楚雲朝暮見不得到湘陰

七星巖宿暢公禪房

召代音不 卷十

已是幽人宅還兼山水靈霽湖澄野綠絕壁削空青猿鳥隨高下煙花各杳冥夜深還說法應有鬼神聽

書張伯明先生忠烈詩卷後

先生諱國助字伯明湖廣黃陂人也明崇禎丙午為應城司訓本年十月流寇圍城先生率兵死守三月城中食盡遂陷先生城頭具三冠北向拜還守領官賊闖入將焚領官先生鶴聲罵賊抱先師本主哭其左臂罵益滅火廟上殿殿若雷聲賊執先生斷其左臂罵益滅火廟支解先生舉合室投巨隄中十二月初十日也時先生子文學世祐年方十五逃出走蒲州過雲夢澤載左指血書告城隍夜夢黃冠神拊曰雲子不須煩同信堤陽柳送春多送孤身詣關陳情懇帝嘉之贈將仕郎國于監學正友人楊子鄂州為錄其事以傳子惟司訓我甚平無死土責當賊薄城下先生可云而以死守守卒示令子公望云

千古睢陽烈悠悠復應城斯文慙後死吾道見先生

盜賊悲前代驅除豈異人將軍無衛霍博士有君臣報

國心何苦承師道更屯所欽還令子涕淚上楓宸

廬山

與山品閒雲二上人宿劉漢三山房因懷一靈在

村邊地僻幽棲穩方外人携逸興賒清塵不妨浮竹葉殘杯相與落燈花風過隔院聞鶯細雨歇長林上月斜

遙憶虎溪鐘定後何人輕駕白牛車

登南安東山寺

日日登樓望翠微捫蘿今始到山扉白雲引逕鶴孤往

召代音不 卷十

碧水當門花亂飛

草長不迷樵子路樹高猶掛老僧衣
遲迴日暮疎鐘起月出西峰尚未歸

鄱陽湖望廬山因懷天和尙暨須識行人

水繞巨廬面面峰晚煙搖漾玉芙蓉林間瀑布三千丈
谷口明霞一萬重雲嶺夜渡誰控鶴石堂舟遠忽聞鐘
白蓮舊社勞相憶寒月蕭蕭不可從

彭澤訪秦觀文令君不遇同師路上人登北山

江上尋朋與願違還從淨侶叩山扉樓臺百尺虛空住
花雨一簾高下飛遠岫影看全楚入數帆人指小孤微
磨崖更剔蒼苔讀坐遍雲松未擬歸

睡起

荒山幾日無風雨老屋疎簾睡起遲已近晝分無客到
獨看花發少人知閒看穉子翻棋局更向鄰翁乞釣絲
倚杖磯頭看鳧雁一溪新水夕陽時

花朝同林坦菴羅杓受詹竹也諸子集二蔗菴誰
圍餞談蓮懷歸京口大留別韻

宿雨連雲擁去舟送君還典鷓鴣裘酒香滿座難成醉
柳色依人欲上樓偏爲花時縈遠夢豈知蓮社得新愁
東風萬里憐芳草一路題詩到潤州

送隱巖禪師遊五臺

橫肩柳栗出吳城處處看山祇獨行衲破不知寒暑變
性空真愛水雲清雁門古塞諸峰迴鳥道新秋萬壑明

昭代詩存

卷十

六

到日文殊重說法清涼又見一蓮生

寄棲賢石鑑大師

六年不見廬山面却向廬山憶我師萬壑樹聲鳴磬後
四圍山色捲簾時放參定許溪雲入下食頻教谷鳥窺
更愛玉淵潭上水獨看清影少人知

送鄭無傲歸粵

知君學道晚逾堅別恨那將一縷牽骨肉近來疎此地
家山歸去定何年蹉跎北闕真無賴憔悴西風漸可憐
後夜清宵槐月上越吟誰共小窓前

再送愚山作

老大逢秋客思驚那堪又送故人行數句與我清樽共

今夕爲君白髮生馬首漸寒嵩少路魚書相望宛陵城
當時朔雪多年別此後還知歲幾更

開雁

黃碧二首

爲客逢秋盡思家見月明况堪南去雁天際落寒聲
路入黃塘夕照陰平沙漠漠獨行吟鄉關日暮空回首
一道嵐光隔水淡

十里荒原起夕烟數家雞犬落平田疎麻欲折無大
行逐江風一惘然

晚過山寺

秋天蒼翠接芙蓉坐對寒雲挂晚峰鴻雁不來蕭寺閉

昭代詩存

卷十

七

日斜惟聽上方鐘

暮至香山寺口占

落日尋山到上方遠煙深鎖樹微蒨客停蟻屐聞流水
僧罷晚鐘開竹房

西山歸王十一貽上以詩見訊喜有此答

幾日名山取次登勞君相訊白雲層分明記得桃花路
不向人間說武陵

晚過放生池示徹機禪師

佛日來過選佛場微聞花雨散天香茶瓜坐對松陰晚

一樹禽聲送夕陽

駱復旦 字叔夜浙江山陰人

覽鏡見白髮

憂愁歷四時疾風震飄瓦
鏡澹衰容白髮浩盈把
百年瞬息間榮名頁亦假
安得五畝資僮臥南山下

送友人還山

管寧栖海外龐公居鹿門
古人有雅尚適志良所尊
美君負機略詞藻傾昆侖
盛年矜任俠意氣相驅奔
今茲棄塵鞅獨往蒼山原
雲物富登眺遊歷閉心魂
涼風拂衣袂往樹蔭丘園
金精祕或討黃石策奚論
但期拂衣去相挈桃花邨

故歌行寄李五念慈

李生潦倒天下奇和歌擊筑燕趙兒
十五已作西都賦

路代青牙 卷十

三

三十成名 天子知公卿貴人不知數錦瑟華箏朝復暮
橫身直跨紫駟鞍昂然不見長安路
少小遊遊塞下時短衣卓帽隨雄師
射生蹙胸黃雲外塞舞吳歌醉起遲
而今一官尚需天東轉幾同驚馬委東走
咸陽西渭水磬折隨人當世疑池陽舊令
朱家屬一身寒賤縱騎施李生
忼慨塵馬笑為同長安遊俠誰麒麟
未死風風泣泰山紫氣凝朝旭
青絲窄地蚤歸來函關日暮燒紅燭

同修崖諸子步池上園園今廢為尼寺

數畝方塘水長流般若闍秋聲
繁晚樹暮色動前山
自有高風引徐看宿鳥還
鳳池今夜雨侵曉亦潺湲

旅夜

獨宿旅魂驚三秋使雁鳴
孤蛩留客夢落葉是邊聲
夜月看逾淡繁星墮欲明
故鄉聞爾裏應解問西征

張毛道中

風雨暗函路羣山四望遮
艸深知虎窟烟起識人家
鳥道添新戎烏衣泣暮鴉
普天耕鑿裏此處異桑麻

諸暨別董克千方譽子歸郡

猶是粉榆地難堪信宿權
鳥聲催曉夢老淚泣漁竿
竹雨香能細林花艷不寒
五峰山月好留待客星看

過劉纓錫山齋留飲時令叔謙甫在座

訪道幽人宅寒花倚薜蘿
青禽飛上下綠樹影婆娑
夕

耳代青牙 卷十

三

照搖丹檻秋山倒碧波
竹林高唱後此日一長歌

過吳艸廬墓

絕學盛當時流風百代師
一坏仍俎豆六籍永綱維
松影迷荒碣露雲覆古祠
同時處學士丘墓竟誰知

再入青門梁曰緝使君以詩投贈依韻奉酬

南山宮闕俯黃河奔走會經此
地過亂後亭臺遺老少
吳鄉風雨劇愁多滿天鴻雁迷
雲樹舊同烽火州老菱荷

高酒新亭同一醉可堪重聽使君歌

送方渭仁孝廉南歸

鄴下風流未可攀
鳳城又復送君還
桃花驛路三春雨
楊柳河橋萬里顏
惜別不須愁白壁
逢人且自看青山

故園戎馬今休暇酌酒論心次第聞

九日郡城登高適晉叔克家伯憩諸子以歸里繼

至因懷武孫去病玄績俱客遊未返

扶病經遊曙色開登臨况值故人來百年嘉序愁中換

五夜鄉心夢裏迴華月迴臨西子渡霜風忽漫越王臺

故山叢桂飄零盡潦倒江亭濁酒杯

旅夜

寒衾愁永夜鄉夢遺他方恐入家園內徒添兩鬢霜

謝埠道中

辛夷初發柳初斜濁水橫侵官路賒故國野田春放鴨

夕陽偏映小桃花

耶名詩平 卷十

陸叢桂 字冲黯山東東平人

皖江古意

已忘湖海意灑然天外心昨夜皖江上方驚歲月滾吳

地日以遠楚水來蕭森山空遊子靜猿狄亦悲登傷哉

古英雄百戰餘荒岑不如一尊酒日暮青楓林

洗石詩

洗石石與雨相關雨中淋漓發青斑抱石冒雨滌其頑

洗出太古之真顏蒼蒼如見海中山林花沐浴水空閒

我亦無心淡淡閒

月夜

暑去天如洗秋來月更涼淺淡松子露濃淡桂花香池

崔終閑立風琴亦淨張欲知詩思瘦清影到衣裳

卽景

花雨散松堂溪流片片香不知源水處相喚野漁航酒

氣蒸杯淺暮聲隔竹長醉歸明月下夢亦在滄浪

除夕

除日除難盡客愁空自滾欲將今夕酒界斷故年心兩

歲成賓主半宵分古今案頭白雪在春色自相尋

七夕立秋是日弔宋氏女子兼聞房青浦信悵然

賦之

雲樓高挂鵲橋開涼意蕭蕭下古槐何處風波隨暑去

幾家歡哭入秋來閒情欲釋黃姑恨短勢難消碧玉哀

耶名詩平 卷十

尚有緜袍心不盡夜淡常夢若人回

途中新柳

蔓雨縈烟葉葉輕半含愁緒半相迎水邊寒食夕陽路

擺動春風萬古情

天門山夢餘卽景次青蓮韻

峨眉一片劈江開獨上天門竟日回夢中渾身如鏡裏

孤峯萬壑枕邊來

琵琶亭

已脫風塵過此州心驚歲月逐江流紅顏不及青山色

纔嫁商人便白頭

送僧半山歸敬亭